

E-Autos, LNG un ... – Overgang na de Overgang

Hest mitkregen, dat se nu villicht de Klimakiller CO₂ unner de Noordsee lagern willen?“, fraagt Meta hör Mann. „Tja“, antwoordt Jan, „dat maken de Norwegers nu al. De pumpen hör Kohlendioxid daarhen, waar se vördeem dat Erdgas rutpumpt hebben. Bi uns mag 't ja woll noch en Sett düren, bit se damit anfangen.“

Meta haakt na: „Un dat sall dann weer en Endlager bit in all Ewigheiden wesen, so as bi de Atomenergie?“ Jan treckt de Schulders. „Ik glööv, dat weten se sülvst noch nich“, seggt he. „Man dat is doch keen Lösung“, meent Meta. „Dat is doch blot weer en Strategie, dat uns Industrie wiederhen so fuul produzieren kann as bit nu. Schaadstoffen en Ofgefall worden in de Natuur puust of in arm Lannen exportiert of in de See smeten. Wo dat de arm Lannen of de Deren un Pflanzen damit geht, is egaal. Hauptsak, uns geht dat good.“

„Nu reeg di nich up!“, seggt Jan. „Dat is blot en Idee, wo man relativ gau verhinnern kann, dat dat CO₂ in de Atmosphäre bliff un de Temperaturen wieder hoogjaggt.“ „Man dat geht doch darum, dat wi minner CO₂ produzieren, un nich darum, dat wi so wie-



Cornelia Nath gehört zum Team der Autoren, die die Kolumne „Platt maakt“ schreiben.

KOLUMNE

Moin, Moin
Schrievers moje
allerbest **Spraak** hoop
Pläseer **vertellisel**
Smüstern

Platt maakt

dermaken as bit nu un dat CO₂ verschwinnen laten – ut de Ogen, ut de Sinn!“ reegt Meta sük nu doch up.

„Dat is man blot en Overgangstechnologie, bit wi anner Mögelkheiden utfunnen hebben“, meent Jan. „Upstünds is 't ja woll all en ‚Overgangstechnologie‘“, snufft Meta. „Dat E-Auto is en Overgangstechnologie, man wi sölen dat

partu kopen. Dat Wracking-Gas un de LNG-Anleggers sünd en Overgangstechnologie, man daarför worden eerst maal Naturschutzgebieden kött maakt. De RWE un Uniper willen nu LNG-Gas ut Australien kopen. Dat sall daar unner d' See weghaalt worden, nett daar, waar seltene Deren leven. Dat Ruthalen, de Transport un de Verbruuk van dit Gas produzeert so vööl CO₂ as de USA in 2021 utstött hett. Daar können se man glick tokieken, wo se dat dann unner de See weer verschwinnen laten. Dat is doch Wahnsinn! Un uns Regeren maakt dat all mit...“ „Man du wullt bi Winterdag doch ok kien koll Maars kriegen“, seggt Jan.

„Dat dee villicht ok heel nich nödig, wenn wi all en bietje minner ruum leven deen“, antwoordt Meta. „Minner verbruken köst uplest ok minner as all disse ‚Overgangstechnologien‘, de still neje Problemen na sük trecken.“ „Daar kunst du recht hebben“, seggt Jan. „Mi würr vör all maal interesseren, wat na de ‚Overgangen‘ komen sall.“ „So wied denkt de Politik nich“, meent Meta. „De hebben 't daar drock mit, dat alls wiederlöppt. Politik sörgt för de permanente Overgang un weet wall sülvst neet mehr, waar de Reis hengeiht.“